

Venres, 29 de decembro de 2023

Núm. 249

ADMINISTRACIÓN LOCAL**MUNICIPAL****CAÑIZA, A****Ordenanzas e Regulamentos***APROBACIÓN DEFINITIVA MODIFICACIÓN ORDENANZA TAXA SUBMINISTRACIÓN DE AUGA**ANUNCIO**APROBACIÓN DEFINITIVA MODIFICACION ORDENANZA FISCAL REGULADORA DA TAXA POLA SUBMINISTRACIÓN DE AUGA*

Por Acordo do Pleno de data 3 de novembro de 2023 aprobouse provisionalmente a modificación da Ordenanza fiscal reguladora da TAXA POLA SUBMINISTRACIÓN DE AUGA.

Con data 7 de novembro o Acordo provisional foi sometido a exposición pública por prazo de trinta días, mediante anuncio no BOPPO número 214 do 7 de novembro de 2023 e no taboleiro de anuncios da sede electrónica do Concello da Cañiza.

Por Acordo do Pleno de data 28 de decembro de 2023 do Concello da Cañiza resolveronse as alegacións presentadas e aprobouse definitivamente a modificación da Ordenanza Fiscal Reguladora da taxa pola subministración de auga, en cumprimento do artigo 17 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, do 5 de marzo, cuio texto queda redactado do seguinte xeito:

*TAXA POLA SUBMINISTRACIÓN DE AUGA.**ARTIGO 1.— NATUREZA E FUNDAMENTO.*

No uso das facultades conferidas polos artigos 133.2 e 142 da Constitución española, e polo artigo 106 da Lei 7/1985, do 2 de abril, reguladora das bases de réxime local e, de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, este Concello establece a TAXA POLA SUBMINISTRACIÓN DE AUGA, a que se refire o artigo 20.4.t) do ditado Real decreto legislativo, que se rexerá pola presente Ordenanza fiscal, e cuxas normas atenden ao previsto no artigo 57 do mesmo texto legal.

ARTIGO 2.— FEITO IMPOÑIBLE.

Constitúe o feito impoñible da taxa a prestación do servizo de subministro de auga potable polo concello, por calquera modalidade de réxime de xestión directa, que se concreta nas seguintes prestacións:



Venres, 29 de decembro de 2023

Núm. 249

1. Para os efectos de aplicar a taxa distínguense os seguintes tipos de consumo:

- a) Usos domésticos en domicilios particulares: Enténdese por tales, tódalas aplicacións que se dan a auga para atender as necesidades da vida e hixiene privada, como son a bebida, a preparación de alimentos e a limpeza persoal doméstica.
- b) Usos comerciais e industriais: Enténdese por tales, os subministros prestados a calquera clase de comercio ou industria, actividades profesionais e redes interiores contra incendios. As concesións para estes usos levarán comprendida implicitamente outra concesión para os domésticos propios do establecemento ou vivenda en que se exerza a industria ou comercio. O concesionario virá obrigado a independizar as instalacións, e colocar contadores independentes.
- c) Usos de obras: Enténdese por tales os subministros efectuados aos inmobles onde se realicen obras que teñan a consideración de maiores, permanecendo suxeito á tarifa sinalada en tanto non sexa obtida a correspondente licenza de primeira ocupación, apertura ou cambio de uso e sexa solicitado o referido cambio.
- d) Usos gandeiros: son aqueles nos que a auga se destina a actividades agrícolas e explotacións gandeiras.

2. A execución de acometidas de subministro de auga e instalación de contador.

3. O servizo de verificación e desprecintado, mantemento integral e conservación de contadores, establecerase de acordo co previsto no regulamento do servizo.

ARTIGO 3.— SUXEITO PASIVO.

1. Son suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, xeral tributaria, que ocupen ou utilicen as vivendas, aloxamentos e locais ou establecementos situados nos lugares, prazas, rúas ou vías públicas nos que se preste o servizo, calquera que sexa o título polo que o faga.

2. Terán a consideración de suxeitos pasivos substitutos do contribuínte, os propietarios dos inmobles, que poderán repercutir, no seu caso, as cotas satisfeitas sobre os usuarios daqueles, beneficiarios do servizo.

ARTIGO 4.— RESPONSABLES.

Serán responsables da débeda tributaria as persoas ou entidades a que se refire o artigo 42 da LXT.

Serán responsables subsidiarias as persoas administradoras das sociedades e os síndicos, interventoras e liquidadoras de quebras, concursos, sociedades e entidades en xeral, nos supostos e co alcance que sinala o artigo 43 da LXT.



Venres, 29 de decembro de 2023

Núm. 249

ARTIGO 5.— BENEFICIOS FISCAIS.

Soamente se admitirán nesta taxa as exencións e bonificacións que veñan establecidos en tratados, acordos internacionais ou en normas con rango de lei.

ARTIGO 6.— PERÍODO IMPOSITIVO E DEVINDICACIÓN.

1. Para os servizos de carácter permanente, o período impositivo coincidirá co ano natural. A taxa devíndicase o primeiro día do período impositivo, salvo nos casos nos que se inicie a prestación do servizo, entendéndose iniciada:

- a) Na data de presentación da oportuna solicitude de alta no servizo, se o suxeito pasivo a formula expresamente.
- b) Desde que teña lugar a efectiva acometida á rede de abastecemento de auga municipal. O devindicación producirase con independencia de que se obtivese ou non a autorización de alta e sen prexuízo da incoación do expediente administrativo que poida instruírse para a súa autorización.

Liquidarase e esixirase a taxa trimestralmente salvo nos supostos de inicio ou cese na utilización privativa ou aproveitamento especial regulado nesta ordenanza. Nestes casos o período impositivo axustarase a esa circunstancia, rateándose por trimestral, incluíndo o de inicio e o de cese.

2. Nos servizos de carácter puntual, a taxa devindicarase no momento de presentar a correspondente solicitude.

ARTIGO 7.— COTA TRIBUTARIA E TARIFA.

A cota tributaria consistirá na cantidade resultante de aplicar as tarifas que figuran no anexo desta ordenanza.

ARTIGO 8.— NORMAS DE XESTIÓN.

1. Cando se trate de servizos non periódicos, a taxa esixirase en réxime de autoliquidación, de acordo co exposto no art. 27.1 do texto refundido da Lei reguladora das facendas locais aprobado polo Real decreto legislativo 2/2004, do 5 de marzo.

2. Cando se trate de servizos periódicos, presentaranse as declaracións de alta, baixa ou modificación no servizo, que producirán efectos na seguinte liquidación á da súa presentación.

2.1. Toda declaración de alta deberá acreditar:

- a) Identificación do titular do inmovible.
- b) Título de propiedade do inmovible e identificación da referencia catastral.

2.2. Nas declaracións de modificación, de calquera tipo, deberanse acreditar os extremos que a xustifiquen.



Venres, 29 de decembro de 2023

Núm. 249

2.3. A persoa substituta da persoa contribuínte, estará obrigada a comunicar as variacións de orde físico, xurídico ou económico que se produzan nos inmobles ou actividades gravadas pola taxa.

2.4. No caso de incumprimento da obriga de declarar a alta no servizo, darase de alta de oficio no padrón, practicándose e notificándose á persoa interesada a oportuna liquidación, sen prexuízo da apertura do correspondente expediente sancionador por infracción tributaria.

3. A taxa xestionarase de oficio, a partir dun padrón que se formará anualmente, aprobándose mediante resolución do órgano competente. O padrón conterá todos os datos necesarios, requiridos pola normativa tributaria.

Establecido e en funcionamento o referido servizo, as cotas esixiranse trimestralmente, sendo estas irreducibles polo período sinalado.

ARTIGO 9.— XESTIÓN POR DELEGACIÓN.

1. Se a xestión, a inspección e a recadación do tributo foron delegadas total ou parcialmente na Deputación de Pontevedra, as normas contidas nos artigos anteriores serán aplicables ás actuacións que ten que realizar a Administración delegada, sempre que non contradigan o establecido na ordenanza fiscal xeral desta última, xa que nese caso, no que respecta á recadación e ás normas de eficiencia e economía, incluído o relativo a achega de documentación polos interesados regulado no art. 28 da Lei 39/2015, prevalecería o establecido na normativa específica do órgano de xestión tributaria.

2. O órgano de xestión tributaria establecerá os circuítos administrativos máis adecuados para conseguir a colaboración das organizacións representativas dos suxeitos pasivos co fin de simplificar o cumprimento das obrigacións formais e materiais derivadas daquelas, ou os procedementos de liquidación e recadación.

3. Todas as actuacións de xestión e recadación que leve a cabo o órgano de xestión tributaria axustaranse ao que prevé a normativa vixente e a súa ordenanza xeral de xestión, inspección e recadación, aplicable aos procesos de xestión dos ingresos locais, a titularidade dos cales corresponde aos municipios da provincia de Pontevedra que delegaron as súas facultades na Deputación.

ARTIGO 10.— INFRACCIÓN E SANCIÓNS.

En materia de infraccións e sancións relacionadas coas taxas reguladas nesta ordenanza fiscal, haberá que atermos ao disposto na Lei xeral tributaria e demais normativa aplicable ó efecto.

DISPOSICIÓN ADICIONAL

No non previsto nesta ordenanza, a inspección e recadación da taxa rexeráse polo establecido na lexislación tributaria vixente que resulte de aplicación.



Venres, 29 de decembro de 2023

Núm. 249

DISPOSICIÓN DERROGATORIA

Esta ordenanza derroga expresamente a ordenanza fiscal reguladora da taxa pola subministración de auga actualmente vixente e as súas modificacións; e calquera outra disposición de igual ou inferior rango que sexa contraria á mesma.

DISPOSICIÓN FINAL

A presente ordenanza fiscal que foi aprobada polo Pleno da Corporación na sesión realizada o 28 de decembro de 2023 producirá efectos a partir do día 1 de xaneiro do 2024 e continuará en vigor ata que se acorde a súa modificación ou derogación.

ANEXO TARIFAS

ANEXO

A) ENGANCHE A REDE XERAL DE AUGAS:

- Vivendas ou locais comerciais: 180,00 €
- Industriais: 300,00 €
- Edificios en construción: 180,00 €

B) USOS:

B.1) Para uso domiciliario

CONCEPTO IMPORTE €/Trimestre

Cota de mantemento trimestral: 7,20 €
Ata 30 m³/trimestre: 0,36 €/m³
De 30 a 60 m³/trimestre: 0,54 €/m³
Mais de 60 m³/trimestre: 1,08 €/7m³

B.2) Para usos comerciais e industriais

CONCEPTO IMPORTE €/Trimestre

Cota de mantemento trimestral: 12,00 €
Ata 60 m³/trimestre: 0,48 €/m³
De 60 a 120 m³/trimestre: 0,84 €/m³
Mais de 120 m³/trimestre: 1,08 €/m³

B.3) Instalación de contadores

CONCEPTO IMPORTE

En vivendas, por primeira vez: 9,16 €
En industrias, por primeira vez: 13,76 €



Venres, 29 de decembro de 2023

Núm. 249

B.4) Transitoriedades

CONCEPTO IMPORTE

Por abrir ou pechar chaves de paso: 36 €

Contra o presente Acordo, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, do 5 de marzo, poderase interpoñer recurso contencioso-administrativo, ante a Sala do contencioso-administrativo do Tribunal Superior de Xustiza de Galicia no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, do 13 de xullo, da Xurisdicción Contencioso-Administrativa.

